

德清縣續志卷之十

雜志 遺聞 墳墓

事有當紀無類可歸綴之於末謂之雜志或乃濫采俳諧旁及詩話虞初小說無所取焉

新市沈俊生邑庠生也其妻李氏十六歲在室時忽患奇症病愈絕粒卽終年不食不見其饑十九歲歸於沈終日惟飲熟水一二盃或鮮果數枚至老面如少艾連生二子亦無他異料事多奇中究不知其何故也

述異記按沈俊生妻蔡氏青年守節見列女表此蓋傳聞之誤

蔡洪毅見漁人網魚數日無所得忽得一鐵長三尺許繡澀不復辨購而淬之則瑩然寶劍也及出鎮時每臨陣前日劍輒作龍鳴因以預

德清縣續志 卷之十

遺聞

一

占兵事將卒夜紫氣燭天餘芒四射及旦失劍所在

蔡氏家乘

順治甲午浙江熊鍾陵伯龍主試一榜狀元及第者三人乙未史大成鄞人甲辰嚴我斯歸安人庚戌蔡啟傳德清人

池北偶談

庚戌狀元蔡崑暘公車過淮安謁山陽令邵某邵其鄉人也批其名刺云查明回報蔡怒而去至京遂狀元及第題一絕句於扇寄邵云去冬風雪上長安舉世誰憐范叔寒寄語山陽賢令尹查名須向榜頭看蔡後官春坊中允假歸卒

同上

孫司空在豐年十六入庠冠軍適雄雞生卵而學書未聞家人疑不祥以雞作供而投卵於河孀氏聞之惋惜曰此佳兆姪他日必作狀元雞宜畜之奈何并卵而棄耶庚戌以第二人及第孀氏之言不誣矣

簪雲樓

雜說

庚戌丙子正月初八日德清縣蘭村荷葉浦村民罨泥得龍首骨一具
兩角長不及尺短額聳鼻兩眼孔大如椀鋸牙雙出頭骨長二尺餘
兩旁扁骨潤如牙笏載至新市鎮傾市聚觀貨於藥肆中堅如玉石

述異
記

王漁洋分甘餘話余任禮曹時同官沈令式岳貞以事闕於堂余吟詩
解紛曰長鎗大劍日紛紛誰識毛錐亦策勲今日東陽逢瘦沈公然
來撼岳家軍一笑而罷沈由己丑進士安肅知縣行取以禮部郎丙
午主順天試德清人又載新城知縣陳瑞菴凝性仁厚杖人對之泣
有王生宅為人奪訟之官不能決第好語曰詩云維鵲有巢維鳩居

德清縣續志 卷之十

遺聞

二

之王秀才獨不能為鵲耶亦德清己丑進士

按陳瑞菴名凝見前志
選舉表至沈令式表無

之則非德清人
漁洋蓋誤記

章雲李以戊子拔貢宰柏鄉徐宗伯未遇時久客柏鄉署詩見集中嚴
石樵往游有和秋日八閩詩嚴宗伯亦贈詩云鄙南城外麥初歧為
政風流繫所思花落印牀閒放鶴日斜官閣晝題詩滹沱雙鯉冰開
後恒嶽千山雪霽時聞道屏風書姓氏徵車早晚問瘡痍是時恩拔
貢廷試後俱授知縣姚延儒宰南漳慎倅仞刺羅定俱殉寇難尚有
丙戌歲貢徐尚介宰靈山丁亥歲貢車君乘宰武宣皆殉難附志之

吳興
詩話

德清蔡翁築室落成夢人授以盤貯四紅箋各大書一字後孫奕琛

為刑部侍郎南渡官一品曾孫啟傳庚戌狀元啟賢子升元壬戌狀元兩元皆生此宅升元從弟彬辛酉解元方悟四一字之兆見只編

德清老人蔡四以服鹿角膠壽百八歲豈即其人歟

池北偶談

德清縣前直街沈漢倬房基下有高堆人躋其上必病明末發之見大石板焉啟視之寒氣逼人初一人縫入立斃久之寒氣漸息衆舉炬下視乃地室一間朱棺方長與近代大異下有鐵牛負之石板有字摹出乃古文大篆識者辨之曰楚養由墓也墓中有缸七隻疑貯漆燈者遂掩之築室其上居之無恙至今尚在

述異記

康熙二十四年夏四月新市地陷十餘丈

湖軼

康熙三十七年戊寅程安武德四縣蟲災而德清尤甚知府陳一夔詳

德清縣續志 卷之十

遺聞

三

請題蠲惟時漕兌例限嚴迫一夔請將德米三萬餘石照每石一兩時價改徵折色時冬兌已屆撫院以題覆往返需時民間聞已請折歲內必無輸納萬一部議不從徵收豈能猝辦一夔申請再三乃據詳入告已而部議格不行一夔扁舟親詣德清委曲勸諭兼收籟白逾格通融仍不誤兌民咸感之

湖軼

月泉吟社徐宗伯各贈以詩朱聞斯云秦川公子絳紗帷半日談經半日詩景在當前方點筆情非有為不關思飲醇顧面周公瑾病榻茶煙杜牧之豈獨論文心欲折清談處處解人頤沈為昭云二沈詩源共隱侯詩壇偏是北城優珠林玉海藏君腹嵐影溪光聚筆頭善自學飛新翡翠隱於行步舊驂騮河干草閣軒窗好來往人呼八詠樓

沈天襄云唱酬三世墨猶香最喜清聲小鳳皇對客鬚眉詩裏見出人意氣句中藏倚枰自詫心兵健逃酒還誇梅陣強曾有黃門親指授應旦從孫秉衡竟是古東陽蔡凭甫云似爾纔無一點塵心輸白也是

清新語含吐納言情好想入虛空繪景直大雅未忘五字句國風以後九歌人流傳嗤點都休問詩外論詩更有神蔡藜輝云水閣三間地半弓吟箋酒盞幾曾空眼前雲鳥皆佳句檻外漁樵是古風韋柳門庭能力學齊梁聲病弗求工鯉趨曾見家庭訓篋內遺編哭乃翁宗伯序吳南村詩鏟華存實得力在柴桑浣花之間序吳渭綸朝爽堂詩鹿門輞川間應置一座諸子名俱俟考吳興詩話

陳尚古著簪雲樓集自序載葵窗檢書小記其雜說採入說鈴同科副

德清縣續志 卷之十

遺聞

四

榜沈敏達祖公治前丁卯舉人尚存徐宗伯贈詩云簾經先世織研付後人耕行卷題丁卯賢孫繼鹿鳴孝廉船不繫處土宿逾明敏達後官戶部主事同上

戴太守振河初宰江西永寧與趙蒙泉俞同年豪飲徵歌蒙泉戲贈詩今夕但為文字飲何妨座上有紅裙當筵狂客真唐突乞得君家一紫雲豔冶須教金屋貯輕盈要覓雀屏圍他時可用官錢買先睹宣城太守歸後行取禮部官邵武太守同上

吳震一工於咏物陳香泉奕禧寄懷詩對居宣北常常見移舍梅花日日來咏物將成詩百首促書幾及紙千堆味同水乳多相得義有情親合未開雲頂關頭回憶處杳無鱗羽更堪哀父興或有獨行黃黎

洲銘其墓同上

戚太守振鷺謫戍軍臺宥歸自塞外至揚州和盧雅雨紅橋詩有白雪
文章今歷下紅橋煙月舊揚州之句雅雨立贈千金今讀全詩如白
紵競傳蓮幕咏綠楊曾繫繡衣船入座衣香吹細細隔簾花影看濛
濛亦佳隨園詩話載宿承恩寺詩瓦溝落月印孤榻檐隙入風吹短
檠殊冷峭族弟敬亭跋言亦庚戌進士福建連江令詩祖二馮壬子
闡中與杭堇浦辨論見榕城詩話同上

沈宗騫為徐師愈繪晨窗舐目圖題咏者名作如林仁和孫文靖公云
朝餽目暮餽目父苦盲子心蹙金篦刮自古有之以舌舐目初無師
初如堅城不可摧重關扃閉無由開舌與周旋往復來積日累月相

德清縣續志 卷之十

遺聞

五

沿洄既如寶鏡遭淪沒菱花出土半欲滅一朝天笑開電光掃盡浮
雲得明月俄驚雙瞳秋水清眼前黑白原分明試眺千里見豪末世
間有目翻成盲從來至孝感神鬼十月剖冰躍紅鯉何人為和舐目

歌留取芬芳照青史同上

前明蔡中丞建第明道居南堂曰清遠廳事前有梅一本蜿蜒屈曲踞
地數十弓高不踰垣也德邑多臨衢中第茲堂得樹遂灑然出塵蔡
氏羣從於花時懸燈設幕夜則攜觴就醉嘗有蝴蝶數萬飛舞竟夕
疑為花魂討春之士接踵造門尋根戀芽而不能去

蔡漫叟詩集
嘉慶三年正月

庭中忽有白雲繚繞
數日始散亦旋萎

西永靈廟石獅千年物也每風雨夜輒馳驟街里間里人譁然逐之疑

為虎一夕入里野竊食禾稻見者以鋤擊之倏不見明日視其像斷一足自是不復出矣

桑梓叢談

舊傳苧溪北岸有青州刺史姚恢囚女城今敢村為苧溪之北岸按石柱記云縣東北二十五里山墟名云苧溪又天中記云姚恢居苧溪之北山墟間則山墟為敢村無疑矣

同上

乾隆間村農於苧溪山水瀆見一穴得鑄錢范數枚猶粘古錢形似五銖而甚小即古所謂沈郎錢也

同上

乾隆戊子妖人割辮幾于無處不到時德清方修下水城門水湍急椿久不立民間訛言石工役鬼棒椿江蘇大吏據以入奏逮石匠郭士秀至都刑部訊鞫實係平民仍釋還奉

德清縣續志 卷之十

遺聞

六

旨以始自江浙蔓延他省督撫皆交部議處自春至冬始止迄不知何怪也

右遺聞

贈廣東按察僉事徐尚介墓在新塘楊柳村

兩浙防護錄

樂陵縣知縣朱萬錡墓在烏鳶山

贊善蔡啟傳墓在金鵝山東

贈中憲大夫談慎墓在戴家圩

徐倬撰誌查昇書丹

禮部侍郎徐倬墓在青芝山

兩浙防護錄康熙五十年

贈文林郎胡渭墓在經南圩

梁詩正撰誌後遷葬塢圩

刑部尚書胡會恩墓在武康縣姚家墩

兩浙防護錄康熙五十四年賜祭葬

工部尚書徐元正墓在武康縣球村兩浙防護錄康熙

吏部郎中談九乾墓戴家圩

贈中憲大夫戴天燧墓在金鵝山

河南歸德府知府談九叙墓在姚家圩

禮部尚書蔡升元墓在縣西三里兩浙防護錄雍正

元年賜祭葬

福建邵武府知府戴振河墓在方山

廣東按察使徐以升墓在齊眉山漾東

江西南昌府知府許鎮墓在蠡山

贈通奉大夫許家駒墓在中片墩

編修胡彥穎墓在塢坵圩

德清縣續志 卷之十 墳墓

七

江南江寧府知府沈孟堅墓在戴家圩

編修徐開厚墓在鶴兒圩

廣西慶遠府同知沈志榮墓在陶家圩

江南常州府同知蔡書紳墓在茅庵前

山東定陶縣知縣胡彥昇墓在張家廠

山東祁縣知縣胡官龍墓在轉水灣

編修徐天柱墓在荷浦圩

戶部主事徐天驥墓在黃泥圩

吏部主事陳墉墓在新塘六里漾

福建松溪縣知縣談承升墓在西畝圩

廣東布政使許祖京墓在轉水灣徐家畝山

山東沂水縣知縣許祖懷墓在北門外

右墳墓

德清縣續志 卷之十

墳墓

